



Kvinnherad kommune  
Rosendalsvegen 10  
5470 ROSENDAL

Saksbehandlar, innvalstelefon  
Anne Vibeke Barkved, 5764 3117

## Tildelingsbrev - stimuleringsmidlar til utviklingsprosjektet "Kva så?" -

Vi viser til søknad frå dykk av 27.05.2026

Tilskotsordninga er ein del av kompetansestrategien for det kommunale barnevernet, og skal medverke til å stimulere til teneste- og tiltaksutvikling i kommunane for å styrke oppfølginga av utsette barn og familiane deira. I 2026 har Statsforvaltaren i Vestland kr 5 012 966,- i tilskotsmidlar til disposisjon til å støtte utviklingsprosjekt som er forankra i kommunale læringsnettverk.

Kvinnherad som vertskommune søker i samarbeid med kommunane Stord og Bømlo om kr. 1 380 000,- til vidareføring av prosjektet «Kva så?». Prosjektet er ei vidareføring av prosjektet «Kompetanseløft – vald og seksuelle overgrep», der de har utvikla undervisningsopplegget «e d greitt?», som del av kommunane sin førebyggjande arbeid i vald,- og overgrepssaker. Hovudmålet med dette prosjektet er å utvikle ein tverrfagleg samhandlingsmodell for korleis tenestene i kommunen skal samarbeide på systemnivå når det er avdekka vald og overgrep mot barn og unge. Samhandlingsmodellen skal som hovudmål vise kven som gjer kva, til ei kvar tid i dei ulike tenestene i kommunane. De ønskjer å digitalisere denne modellen slik at den er lett tilgjengeleg for alle som jobbar med barn og unge. De har avtale om å samarbeide med RVTS og Krisesenter Vest om dette utviklingsarbeidet.

De starta opp prosjektet i 2025 og fekk tildelt kr 800 000,- i stimuleringsmidlar, jf. brev av 21.08.2025.

De søker no om midlar til frikjøp av prosjektleiar og prosjektmedarbeidar, seks dagar med kompetanseheving/fagdagar og støtte til utvikling av digitale og fysiske materiell. Statsforvaltaren si vurdering er at de har grunngjeve søknaden godt, og at dette er eit prosjekt som kan ha overføringsverdi til andre kommunar. Vi vurderer at prosjektet stettar dei vilkåra som Barne,- ungdoms- og familiedirektoratet har sett for tilskotsmidlane.

**Statsforvaltaren i Vestland løyver med dette kroner 1 000 000,-** til utviklingsprosjektet «Kva så?».

Vi vil betale ut pengane etter vi har motteke vedlagte skjema for stadfesting på at de aksepterer dei kriteria for løyvinga som kjem fram i dette brevet. Stadfestinga (vedlegg 1) må de sende til Statsforvaltaren **innan 24.08.2026** merka med referansenummer **2026/9647**.



Løyvinga skal nyttast til lønn til prosjektleiar og prosjektmedarbeidar og delfinansiering av gjennomføring av fagdagar/kompetanseheving. Vi har redusert løyvingar til digitalisering, design og trykk med grunngjeving i at de er i ei tidleg fase, og materialet bør testast i prosjektkommunane før det trykkast. De har moglegheit til å søke om midlar til trykking av materiale våren 2027.

De kan ikkje nytte dei tildelte midlane til andre føremål. Dersom de ønskjer å omdisponere tilskotet innafor same føremål, må de avklare dette skriftleg med Statsforvaltaren på førehand.

Tilskotet må nyttast innan utgangen av 2027. Dersom løyvingane ikkje kan nyttast etter føresetnadane, skal de betale pengane attende til Statsforvaltaren. Statsforvaltaren, barne,- ungdoms- og familiedirektoratet og Riksrevisjonen kan i samsvar med reglane i det statlege løyvingsreglementet kontrollere at løyvinga vert nytta etter føresetnadane.

Revisorattestert rekneskap, rapport om prosjektet og bruken av pengane skal de sende til Statsforvaltaren innan 01.02.2028. Rekneskapen må de setje opp på ein slik måte at Statsforvaltaren kan kontrollere at løyvinga er nytta i tråd med føresetnadane.

Svar på dette brevet skal de sende til vårt postmottak: [sfvpost@statsforvalteren.no](mailto:sfvpost@statsforvalteren.no)

Praktiske spørsmål knytt til prosjektet kan de sende til kontaktperson hjå Statsforvaltaren: Bente Cecilie Foss på e-post: [bente.foss@statsforvalteren.no](mailto:bente.foss@statsforvalteren.no)

Med helsing

Øystein Breirem Jacobsen  
seksjonsleiar

Anne Vibeke Barkved  
seniorrådgjevar

*Dokumentet er elektronisk godkjent*

Kopi til:

Stord kommune  
Bømlo kommune

Postboks 304  
Leirdalen 1

5402  
5430

STORD  
BREMNES